

Դ՛՞՞ Եղած և կէտադրուած մասերը կորուսած են): Մնայր Ուսկիւտարուն և Քաղկեդոնին և Պէկղօզին¹⁾ և այլոցն որ անգ՝ այս յաւելեալ ոչ երեւելով մի շահ եկեղեցոյն, յորմէ հետէ այրեալ, զոր նոքա կալան, այլ պարտք եւ զայս եւս բարձան ի վերայ ժողովրդոցն, զոր եւ նոքա ետուն: Եւ խորհուրդ առեալ ի մէջ ժողովրդոցն և ասեն թէ Տանք և յետոյ (Եւրէ):

ԺԳ-իս²⁾ Մարտի Շաբաթ ըմբռնեալ կիւմուշարայճուն զՔէմխաճի կոչեցեալ երէցն³⁾ ի գործն, և տարեալ առաջի փաշային և հարց և փորձ արարեալ՝ գտին և զընկերս նորա տաճիկս Ը, և հրամայէ տանել զամենեսեան ընդ երկցուն ի բանտս մահապարտացն զի սպանցէ ի գիշերին. և էրէցն այն քանզի ի բնէ չարն էր և տէր պիտակ գործոյն, և ի ժամանակի զխաչս եկեղեցոյն գողացեալ և այլ ազգի ազգի չարութիւնս արարեալ և ի նաւս քարակրացն մտեալ և ազատեալ, զոր բազում անգամ խայտառակեալ ի գործոյն և ոչ լեալ լուռ ի բարիսն, այլ ընդ սատանայի և ըստ խրատուց նորա վարիւր, որ և այսօր զկատարեալ գործ նորին խրատու արար և ուրանալով⁴⁾ զՔրիստոս առաջի բռնաւորին, որոյ լիցի Քրիստոս խայտառակիչ՝ զչարն զայն չարեօք կորուսանելով ի խրատ ստահակաց և ի միսիթարութիւն հաւատացելոց Քրիստոսի. ամէն: Եւ զԸ ընկերս ուրացողին պղծոյ՝ ելեալ փաշան ի զօլ և կախեալ ի Պարմաղափուն Բ, և ի Նշանճի անուանեալ սահմանսն Բ սպանեալ, ի Մէյտանճրք և ի Այասօֆին և ի Ղարամանն և այլ սահմանս քաղաքիս՝ խայտառակ մահուամբ սպանեալ զնոսա:

Շաբաթ երեկոյիս ի կիրակամուտ զնացաք Մարտիրոսի կնկանն որ եկեալ էր յէտրէնու:

1) Պէկղօզին.

2) ԺԳ-իս.

3) Էրիցն.

4) ուրանով.